

Talamdan
sa Mga Mensahe sa Full-time Training
sa Spring Term sa 2022

LINANGKOB NGA HISGOTANAN:
MGA CAPITULO 5 HANGTOD SA 8 SA ROMA—
ANG UYOK SA BIBLIA

Mensahe 5

**Ang Pagpaambit sa Tulo-usang Dios isip Balaod sa Espiritu sa Kinabuhi
nganha sa Atong Pagkatawo nga may Tulo ka Bahin segun sa Iyang Pagkamatarong,
pinaagi sa Iyang Pagkabalaan,
ug ngadto sa Iyang Himaya aron Mahimo Tang Bag-ong Jerusalem**

Basahong Kasulatan: Rom. 8:2, 6, 10-11, 16, 31-39

- I. Nahikay na ang Tulo-usang Dios pinaagi sa pagpakatawo, pagkalansang sa krus, pagkabanhaw, ug pagkayab aron mahimong balaod sa Espiritu sa kinabuhi nga gibutang na sa atong espiritu ingog “siyentipikong” balaod; ang balaod sa Espiritu sa kinabuhi mao ang diha-dayong gahom ug awtomatikong prinsipyo sa diosnong kinabuhi—1 Cor. 15:45b; Rom. 8:2; Fil. 2:13; Ezeq. 36:26-27; Heb. 12:1-2; Fil. 4:5-7, 12-13; Col. 1:28-29:**
- A. Ang labing mahinungdanong punto sa tibuok Cristohanong kinabuhi mao nga si Cristo nga malangkobon-sa-tanan, naghatag-sa-kinabuhi nga balaod sa Espiritu sa kinabuhi, nagpuyo sa atong espiritu, ug ingon nga Espiritu gisagol Niya ang Iyang Kaugalingon sa atong espiritu aron himoon tang usa ka espiritu—Rom. 8:2, 16; 1 Cor. 6:17.
 - B. Walay problema diha sa nasagol nga espiritu nato, busa wala kinahanglana ang mga sulbad; naa sa atong espiritu ang bisan unsang gikinahanglan nato—Rom. 1:9; 8:4; Juan 3:6; 1 Juan 5:4; 3:9; Juan 14:30.
 - C. Kalimtan gyod nato ang atong mga kaluyahon, kakulangon, kapakyasan, ug tanang iya sa kaugalingon ug ipatumong ang atong hunahuna sa espiritu, magpabilin diha sa espiritu sa pagtagad nato sa atong espiritu, paggamit sa atong espiritu, ug pag-atiman sa atong espiritu—Rom. 8:6; Jud. 19-21.
 - D. Magmainiton ug magmalipayon ngani ta diha sa espiritu pinaagi sa pag-ampo aron mogugol og labi pa kadaghang panahon diha sa presensya sa Ginoo, makapahimulos ta sa Dios, maghari diha sa kinabuhi, maggawi diha sa kabag-o sa kinabuhi, ug mag-alagad diha sa kabag-o sa espiritu—Rom. 12:11; 5:10-11, 17; 6:4; 7:6.
 - E. Bisnang masulob-on tingali ang atong mga palibot ug sirkumstansya, kita mismo mahimo mang magmalipayon diha sa espiritu, magkinabuhi diha sa realidad sa gingharian sa Dios—Rom. 14:17; itandi sa Dan. 3:19-20, 25; Buh. 16:23-25; Efe. 4:1.
 - F. Sa motutok ta ngadto ni Jesus aron mapadayonon tang mohikap sa Ginoo (mapadayonong mokontak Niya aron maligo sa Iyang nawong, masuropan sa Iyang katahom, ug magsidlak sa pagkamaayo kaayo Niya), awtomatiko, diha-dayon, ug walay-pagpangusog nga mobuhat sa sulod nato ang balaod sa Espiritu sa kinabuhi aron matuman ang walay kataposang pamatigayon sa Dios—Heb. 12:1-2; Isa. 40:28-31; *Mga Alawiton*, #784, estansa 6; Juan 5:39-40; 6:63; itandi sa Buh. 7:2; Gen. 12:1-3, 7-8; 13:14-17; 15:1-7.

- G. Buhaton sa nahikay ug nahingpit nga Tulo-usang Dios, nga diha-dayong gahom sa balaod sa Espiritu sa kinabuhi, kining mosunod nga mga butang sa sulod nato samtang gipugos, gipugngan, ug gidasig ta sa gugma ni Cristo aron mahigugma Niya ug labi pang magmadaogon sa tanan natong kasakitan ug katalagman—Rom. 8:31-39; 2 Cor. 5:14-15:
1. Nagpakiling sa atong kasingkasing ngadto sa Dios kining gahoma—Prov. 21:1; Sal. 119:36.
 2. Naghimo natong mapasakopon sa Dios kining gahoma—Fil. 2:13.
 3. Tungod ning gahoma makabuhat ta sa maayong mga buhat nga gitudlo sa Dios alang nato aron magkinabuhi ta sa iglesiahanong kinabuhi ug manghimatuod sa panghimatuod ni Jesus—Efe. 2:10; Mat. 5:14-16; itandi sa Luc. 6:43-45; Gal. 5:22-26.
 4. Tungod ning gahoma makapangabudlay ta alang sa Ginoo sa tibuok natong kasingkasing ug kusog—1 Cor. 15:10; Col. 1:28-29.
 5. Tungod ning gahoma mahimong buhi ug lunhaw ang pag-alagad nato—Rom. 6:4; 7:6; 2 Cor. 3:6.

II. Ang walay kataposang pamatigayon sa Dios pagpaambit man sa Iyang Kaugalingon nga balaod sa Espiritu sa kinabuhi nganha sa tawo aron mahimong tawhanong maayong kagawian sa tawo ang Iyang mga kaayo nga pagkamatarong, pagkabalaan, ug himaya alang sa hiniusang pagpadayag sa Dios nga realidad sa Lawas ni Cristo diha sa mga iglesia lokal nga maghingpit sa Bagong Jerusalem nga syudad sa pagkamatarong, pagkabalaan, ug himaya—Gen. 2:9; Juan 10:10b; 14:6a; 1 Cor. 15:45b; Rom. 8:2; 2 Ped. 3:13; Isa. 1:26; Bug. 21:2, 9-11:

- A. Namatay si Cristo sa krus aron matagbaw ang mga gipangayo sa pagkamatarong, pagkabalaan, ug himaya sa Dios ug nabanhaw aron mahimong balaod sa Espiritu sa kinabuhi, ang nagpaambit-og-kinabuhi nga Espiritu, nga maoy realidad sa kahoy sa kinabuhi aron mahimong pagkamatarong, pagkabalaan, ug himaya nato—Gen. 3:24; 1 Cor. 15:45b; 1:30; Efe. 5:25-27.
- B. Ang kinabuhi sa Tulo-usang Dios, isip balaod sa Espiritu sa kinabuhi nga gipaambit nganha sa atong pagkatawo nga may tulo ka bahin naghimo natong mga tawo sa kinabuhi aron mahimong mga anak sa Dios ug mga bahin ni Cristo nga moumol sa Lawas ni Cristo aron magpadayag Niya, sa ingon niana matuman ang tuyo sa Dios sa sinugdan—Gen. 2:7, 9; Rom. 8:14; 12:5:
1. “Ang balaod sa Espiritu sa kinabuhi [Griyego, *zoe*] nagpahigawas nako diha ni Cristo Jesus gikan sa balaod sa sala ug kamatayon”—8:2.
 2. “Kon naa si Cristo ninyo, bisan patay ang lawas tungod sa sala, kinabuhi [Griyego, *zoe*] ang espiritu tungod sa pagkamatarong”—v. 10.
 3. “Ang salabotang gipatumong sa espiritu kinabuhi [Griyego, *zoe*] ug kalinaw”—v. 6.
 4. “Kon nagpuyo diha ninyo ang Espiritu Niya nga nagbanhaw ni Jesus gikan sa mga minatay, Siya nga nagbanhaw ni Cristo Jesus gikan sa mga minatay maghatag sab og kinabuhi [Griyego, *zoe*] sa inyong mga lawas nga dunay kamatayon pinaagi sa Iyang Espiritu nga nagpuyo ninyo”—v. 11.
- C. Ang tulo ka nag-unang kolor sa bangaw libot sa trono sa Dios mao ang asul (ang kolor sa safirong trono, nga nagtimaan sa pagkamatarong sa Dios—Ezeq. 1:26; Sal. 89:14), pula (ang kolor sa nagbalaang kalayo, nga nagtimaan sa pagkabalaan sa Dios—

Ezeq. 1:4, 13, 27; Heb. 12:29), ug dalag (ang kolor sa nagdan-ag nga electrum, nga nagtimaan sa himaya sa Dios—Ezeq. 1:4, 27; Heb. 1:3):

1. Ang bangaw libot sa trono sa Dios nagtimaan nga ang Dios mao ang nakigsaad nga Dios, ang matinumanong Dios, nga motuman sa Iyang bag-ong pakigsaad nga ipaambit ang Iyang Kaugalingon nga balaod sa Espiritu sa kinabuhi ug pagkabag-o sa kinabuhi nganha sa mga pinili Niya aron himoon silang Bag-ong Jerusalem samtang ipahamtang ang paghukom Niya sa yuta—Gen. 9:13; Bug. 4:3; 21:2; Rom. 6:4; Ezeq. 1:26-28; 36:26-27.
 2. Madayag gyod unta diha sa iglesia karon ang espirituhanong realidad ning bangawa; magpapuno gyod ta sa Dios sa matarong nga presensya Niya sa paghatag nato Kaniya sa bug-os nga higayon nga makabuhay sa sulod nato ingon nga nagbalaang kalayo alang sa Iyang masanagong pagpadayag sa himaya pinaagi sa pagtambayayong nato isip hiniyang Cristo—1:5-14, 26-28.
 3. Si Cristo mismo, nga gitiman-an sa bangaw sa pagkamatarong, pagkabalaan, ug himaya, mao ang pakigsaad nga gihatag sa Dios sa Iyang katawhan aron “ma-Cristo” sila, nga mao ang paghimo kanilang hingpit gyong sama Niya sa kinabuhi, kinaiya, ug pagpadayag apan dili sa ranggo sa pagka-Dios—Isa. 42:6; Heb. 8:10-12.
- D. Kaalam si Cristo alang nato gikan sa Dios, nga nagpalatay sa Iyang Kaugalingon kanato isip pagkamatarong (aron ipanganak ta pag-usab diha sa atong espiritu), pagbalaan (aron matransporma ta diha sa atong kalag), ug pagtubos (aron mahimaya ta diha sa atong lawas)—1 Cor. 1:30; Rom. 8:10; 12:2; 8:23; Fil. 3:21.
- E. Ang pagpalatay kang Cristo, nga nagkadaiyang kaalam sa Dios, nganhi sa atong pagkatawo naghimo natong obra maestra sa Tulo-usang Dios nga maalamong pagpasundayag sa tanang pagkamao Niya, usa ka balak nga nagpadayag sa Iyang walay kinutobang kaalam ug diosnong laraw—1 Cor. 1:30; Efe. 2:10; 3:9-11.
- F. Sa eternidad isip Bag-ong Jerusalem (syudad nga ang mga patukoran samag bangaw tan-awon—Bug. 21:19-20), bangaw unya ta nga manghimatuod sa pagkamatinumanon sa Dios sa pagtuman sa Iyang bag-ong pakigsaad sa paghimo kanatong hingpit gyong sama Niya isip pagkamatarong, pagkabalaan, ug himaya (vv. 10-11).

III. Gipadayag sa Roma nga sa matag iglesia naa gyod untay sukaranan sa pagkamatarong sa Dios (pamaagi sa Dios), kahikayan sa pagkabalaan sa Dios (kinaiya sa Dios), ug tumong sa himaya sa Dios (pagpadayag sa Dios) nga magdala kanato ngadto sa kasingkasing sa Dios (gugma sa Dios) aron maanaa ang realidad sa Lawas ni Cristo pinaagi sa mga iglesia lokal—1:17; 8:10; 6:19, 22; 8:18, 21; 9:23; 11:36—12:5; 16:27:

- A. Alang sa pagkamatarong sa Dios ang kamatayon ni Cristo, alang sa pagkabalaan sa Dios ang pagkabanhaw ni Cristo, ug alang sa himaya sa Dios ang pagkayab ni Cristo; inigbalik ni Cristo, mahingpit na ang pagkahimaya sa Iyang mga balaan.
- B. Isip Puli nato, namatay si Cristo sa krus alang nato aron matuman ang matarong nga mga gipangayo sa Dios para mabalaan ta aron ikapaambit Niya ang Iyang Kaugalingon isip balaod sa Espiritu sa kinabuhi nganhi nato—Rom. 6:23; Ezeq. 18:4, 20; 1 Ped. 2:24; 3:18; Rom. 5:18; Bug. 22:14:
 1. Ang hustong Cristohanon tawo mang namatay na uban ni Cristo ug naggawi adlaw-adlaw segun ning kamatuorana; kon natural nga nagkinabuhi ang magtutuo, dili siya matarong, apan kon nagsinati siya sa kamatayon sa krus, matarong siya sa tanang butang, sa tanang tawo, ug sa tanang bahin—Gal. 2:20; 2 Cor. 3:9.

2. Ang kamatayon ra ni Cristo ug ang pagkamatay nato uban ni Cristo ang makatuman sa mga gipangayo sa pagkamatarong sa Dios ug makahatag sa Dios og sukaranan nga matarong nga makapaambit sa Iyang Kaugalingon isip diosnong kinabuhi nganha sa tibuok natong pagkatawo aron malamoy ta sa kinabuhi ug mahimong syudad sa kinabuhi—Rom. 8:10, 6, 11; 2 Cor. 5:4.
- C. Ang pagbalaan mao ang subjectibong lihok sa pagkabalaan; ang pagkabalaan kini nga naglihok:
1. Ang pagbalaan mao ang nabanhawng Cristo nga mao “ang Espiritu nga Balaan,” ang nagbalaang Espiritu nga naa sa atong espiritu, nga nagbuhat sa Iyang Kaugalingon nga balaang kinaiya sa Dios nganha sa atong pagkatawo aron himoon tang balaang syudad—1 Tes. 5:23; Rom. 6:19, 22; 15:16; 8:4.
 2. Ang diosnong pagbalaan mao ang *holding line* sa pagtuman sa diosnong pamati-gayon, ang kahikayan sa organicong kaluwasan sa Dios nga lihok sa Dios sa paghimong Dios sa tawo, paghimo sa tawo nga Dios sa kinabuhi ug kinaiya apan dili sa ranggo sa pagka-Dios—Heb. 2:10-11; Efe. 1:4-5; Bug. 21:2.
- D. Ang kinataposang tumong sa pagpaambit sa Tulo-usang Dios isip nagbuhat nga balaod sa Espiritu sa kinabuhi mao nga mapadayag ang Dios pinaagi sa Lawas ni Cristo aron mahimaya Siya diha sa iglesia—Efe. 3:16-21; Rom. 8:19, 21, 28-30; 16:27:
1. Ang pagkausa sa Juan 17 mao ang iglesia nga nidakong pagkausa sa Diosnong Trinidad; hingpit na nganing matinuod ang pagkausa tungod sa hingpit nga pagdumili sa kaugalingon, himayaon sa Anak ang Amahan diha sa iglesia—vv. 1, 21-23.
 2. Nagpakita kini nga hain ngani naay hustong iglesihanong kinabuhi, didto mahimaya ang Amahan aron mapadayag Siya—1 Cor. 10:31; 2 Cor. 4:5.
- E. Ang pagpaambit sa Tulo-usang Dios nga balaod sa Espiritu sa kinabuhi nganhi nato segun sa Iyang pagkamatarong, pinaagi sa Iyang pagkabalaan, ug ngadto sa Iyang himaya aron man mahimo tang Bag-ong Jerusalem nga si Cristo ang atong lig-ong patukoranan sa pagkamatarong, putling bahing-nag-umol sa pagkabalaan, ug masanagong pagpadayag sa himaya—Bug. 21:2, 9-11.